

par i me Patrizi da Ciass
21 da genar 1995

A dì la verità
a la mia età
duvaria pregà i Avemarii
al post da scriv puecii:,
ma par i me Patrizi
fu anca un sacrifici !

E pö, senti ul nost dialett
al fa sempar un certu effett
e l' è bel a regurdass
cumè l'era ul nost Ciass;
e tegnì da ment
la nostra gente, i parent,
e già che sem insemi,
tocchi stu tema.

Vöraria cüntav sü la storia
d'una famiglia senza gloria !

Ul nonu e la nona, tutt düü Chiesa
eran brava gent, fin tropp da gesa,
cunt i radisin da la curt dal Böla.
In andaa tücc a Ciass a scöla.

^{l'era} Ul Āarlinet e la Āristina
levavan sü prest a la mattina,
Lee l'andava a messa, lüü a lavurà
e par finì, han fai sü cà.

Ul prim nassüü l'è stai ul Benedett,
l'era un bunasc, al sunava ul clarinett.
Ul me pà al sa ciamava Isidor.
l'è stai un omm bravu, d'or,
l'ha pö spusaa una Viganò
ul so fiö -sun mi- al gh'è anca mò.
L'Amedeo l'è vegnüü poc dopu,
e ul lavurà, l'è stai ul so scopu
la sua dona l'era la zia Gina
cun düü fiö Giannino e Maria-Cristina.

Ul poru Luigi al lavurava in posta
 e nanca fal a posta
 l'era un musicista bravu e fin,
 maestar da grancassa e a suldaa tamburin.

Pö l'è vegnuda l'Adelaide e gatta ci cova,
 la s'è maridada cul Giuseppin Canova
 l'era bona la semenza
 e ul Giorgio l'è mò la discendeza.

L' Ermanno l'è vegnüü ul püssee vecc
 ga piaseva mangià, bev e ul lecc
 al Piret a la Bruna al g'ha parlaa
 e insem a la Giancarla han fabricaa.

Forsi tüc han cugnüsüü ben
 ul Dante, professor da disegn
 cun la Graziella - in cà paterna -
 gh'era sempar pizz una lanterna
 e ul Luigino l'è l'ültim a fa la spesa
 di Ciasses - Carlinitt-Chiesa.

Gh'è però ammò una speranza,
 Ul Luigino a gran distanta
 l'ha spusaa una Filippina
 cun l'Amur e l'aria fina
 e la bona semenza
 forse va innanz la discendenza.

E chi finiss la storia
 d'una famiglia senza gloria
 ma da Chiesa grand e pinitt
 ga n'è ~~in~~ tanti anca senza i Carlinitt.

E mi, par mia sbagliass
 ogni tant - in trenu - vegni a Ciass;
 e anca dumenigapassada
 ù fai gio una scappada.

Di vündas a la üna
 a.gù avüü la furtüna
 da vess present
 cul cör e i sentiment

al premi Lavezzari
 par un Ciasses unurari
 par Graziano Papa, che la natura
 la sstüdia e maestar da la cultura
 ul nost paés la cugnoss
 in di fiur, i sass, la carna i oss.

E cun quest, Cari Patrizi
 a finisi i me pastizi
 e a rivedess da chi a un ann
 par la tradiziun dal San Sebastian !